

կեանքի միւս նախադրեալները կազմուած :

Այս ամէնի դիմաց, ճիշդ է, յանցանքներ եւս կան արձանագրուած բուլշեւիկների հաշուին, ինչպէս օրինակ Ուկրաինայի, Ադրբէջանի, Հայաստանի եւ Վրաստանի ազգային անկախութիւնների ոչնչացնելը: Սակայն, այստեղ էլ պէտք է ասել, որ նրանք իրենց յանցադորձութիւնը չտարան մինչեւ այդ պետութիւնները աշխարհազրական քարտէսից իսպառ ջնջելը. ո՛չ, ընդհանուր Միութեան սահմաններում էլ սրանք մնացին իբրեւ առանձին-առանձին հանրապետութիւններ՝ ինքնավարութեան որոշ իրաւունքներով եւ բաւական լայն ազատութիւններով ազգային-մշակոյթային գործերում:

Բուլշեւիկեան այս ընդհանուր տրամադրութիւնները իրենց անդրադարձումն ունեցան եւ անդրկողկասեան հանրապետութիւնների մէջ ապրող ազգային փոքրամասնութիւնների վրայ: Վրաստանում ինքնավարութիւն ստացան օսերը, արդէն ինքնավար Աջարիստանը դարձաւ հանրապետութիւն, հանրապետութեան իրաւունք տրուեց մինչեւ իսկ արխանդերին: Ադրբէջանում, ճիշդ է, որոշ պայքարներից յետոյ, ինքնավարութիւն տրուեց լեռնային Ղարաբաղին: Հայաստանի քթի տակ կազմուեց Նախկրայի Հանրապետութիւնը, որ փոքրիկ փոփոխութիւններով, ընդգրկում է նախկին երեւանեան նահանգի Ծարուր եւ Նախիջևան գաւառները՝ գերազանցօրէն թաթար ազգաբնակիչութեամբ: Եւ ո՛վ դարմանք, անգամ Զանգեզուրի եւ Զիւանշիբի քսան հազարանոց քրդութիւնը «Բուրգիկրայ» անունով առանձին ինքնավար շրջան կազմելու իրաւունք ստացաւ:

Այս բոլոր մանր ժողովուրդների մէջ միայն վիրահայութիւնն է զրկուած մնացել, ազգային փոքրամասնութիւնների համար նախատեսուած իրաւունքների տեսակէտից, թէեւ նրա խոշոր հատուածները ապրում են Ախալցղիս, Ախալքալակի, Բորչալու, Թիֆլիս եւ Գորի գաւառներում այնպիսի հոծ զանգուածներով, որ հեշտութեամբ կարող էին մի կամ երկու ինքնավար շրջան կազմել հայկական ջախջախիչ մեծամասնութեամբ:

Մենք գիտենք, թէ ինչ արժէք է ստանում

վրաց բուլշեւիկների աջքում ազգերի ինքնորոշման իրաւունքը, որի համար նրանք երկնքի աստղերն իսկ վար բերելու պատրաստ են, երբ խնդիրը վերաբերում է Ախալքալակ կամ Բորչալու գաւառներում ապրող հայկական զանգուածներին: Մեզ ծանօթ է նաեւ Անդրլուովկասեան Կոմկուսի 1926-ի խորհրդաժողովում Օրջնիկիձէի արտասանած ճառը, որի մէջ Ժորգանիայի այս մոնթը դատապարտում էր ախալքալակցիներին, որոնք ցանկութիւն էին յայտնել անջատուել Վրաստանից եւ միանալ Հայաստանին — ասելով:

«Գայթակղեցուցիչ է, երբ Խորհրդային Հանրապետութեան քաղաքացիները ուզում են հեռանալ այդ Հանրապետութիւնից (իմա՛ Վրաստանից) լուրջ այն պատճառով, որ հայեր են եւ ոչ թէ վրացիներ»:

Սակայն, եթէ մի րոպէ ընդունենք իսկ, թէ ազգային ինքնորոշման պահանջը, որ ճանաչուած է իբրեւ անկապտելի իրաւունք ամէն մի ժողովրդի համար, կարող է նկատուել գայթակղութիւն, երբ ախալքալակաբնակ հայ ժողովրդի կողմից է առաջադրուած՝ մեր առաջ դարձեալ բաց կը մնայ այն հարցը, թէ ինչո՞ւ վերոյիշեալ գաւառների հայ ժողովուրդը պահուած է վրացական վարչութեան տակ: Ինչո՞ւ իրար կպած այդ գաւառներում չեն կազմուած մի կամ երկու ինքնավար շրջաններ, որպէսզի նրանց մէջ ամփոփուած հայ ժողովուրդը ինքը վարի իր առանին գործերը: Թերեւս տեղական ինքնավարութեան այս անմեղ պահանջն էլ է գայթակղութիւն նկատուած Օրջնիկիձէների կողմից: Բայց այն ժամանակ ինչո՞ւ են նրանք հանդուրժում աջարացիների, արխանդների եւ օսերի ինքնավարութիւնը: Հօ նրանք չեն կարող ումեւիցէ հաւատացնել, թէ այս ժողովուրդը, ազգային գիտակցութեան, մշակոյթային առանձնայատկութիւնների եւ վարչական կարողութիւնների տեսակէտից աւելի բարձր մակարդակի վրայ են կանգնած, քան թէ խնդրոյ առարկայ հայ ժողովուրդը:

Զուր է այս հարցերին պատասխան սպասել Վրաստանի ներկայ վարիչներից: Նրանք անհրաժեշտաբար խուլ պէտք է մնան սրանց հանդէպ, որովհետեւ կոմունիստական կամ Խորհրդային դրօշակի տակ էլ նրանք վրաց